

聖濟總錄

吳錫璜著

己86

40

大德重校聖濟總錄卷第一百四十五

傷折門

打撲損傷

論曰凡打撲損傷或為他物所擊或乘高墜下致傷手足腰背等處輕者氣血凝滯隨處疼痛重則聚為瘀腫痛甚不可忍當察其內外輕重以治之

治傷撲疼痛蓬莪湯方

蓬莪

煨

白殭蠶

炒各壹兩

蘇枋木

剉貳兩

沒藥

研半兩

右四味粗搗篩每服二錢匕水一盞煎至七分去滓溫服日三若搗為細末熱酒調下亦得

治打撲傷損筋骨疼痛地黃散方

熟乾地黃

焙

當歸

切焙各叁兩

羌活

去蘆頭

苦參

各貳兩

續斷

肆兩

右五味搗羅為散每服三錢匕溫酒調下不拘時服

治打撲損傷疼痛乳香丸方

乳香

壹兩

桂皮

去粗皮

安息香

沒藥

各半兩

地龍炒

補骨脂炒各壹兩

當歸切

白芷各半兩

五靈脂貳兩

右九味各搗羅為末乳香沒藥安息香三味用酒研如糊和餘藥丸如龍眼

大每服一九酒磨温服不拘時

治打撲傷損疼痛延胡索散方

延胡索

桂去粗皮

沒藥別研

黃耆剉

當歸切

白斂

桑寄生

熟乾地黃各壹兩

右八味搗羅為散每服三錢匕温酒調下不拘時服

治打撲筋骨疼痛續斷丸方

續斷貳兩

防風去

黃耆剉各壹兩

乳香研

沒藥研各半兩

自然銅煨醋淬染壹兩

牛膝酒浸切焙壹兩半

右七味搗羅為末酒煮麩糊丸如梧桐子大每服三十九温酒下不拘時

治打撲內損及墜馬等傷白附子散方

白附子炮

續斷

防風去又各壹兩

右三味搗羅為散每服二錢匕童子小便和熱酒一盞調下併三服不拘時

治打撲內損疼痛海金沙散方

海金沙

錢貳

大黃

生

乳香

研

沒藥

研各壹錢

麒麟竭

壹分

右五味除研外搗羅為散和勻每服二錢匕乳香溫酒調下不拘時服

治打撲損疼痛麻根汁酒方

大麻根及葉

生者去土叁斤

右一味細剉搗絞取汁每服半盞和溫酒半盞服不拘時無生麻根即用乾

者酒煎服

治打撲損疼痛木賊散方

木賊

剉炒叁兩

麻黃

去根節壹兩半

甘草

炙叁分

右三味搗羅為散每服五錢匕熱酒調下隨酒量飲至醉候醒折處覺不痛

是効未服藥先整骨裹縛方可服之

治打撲損傷手脚筋骨疼痛甘松丸方

甘松

去土

黃荊實

芥菜子

陳者

赤蓼花

欖子

炒

白殭蠶

炒

螟蛉殼

各半兩

右七味搗羅為末煉蜜丸如彈子大每服一丸溫酒化下不拘時候

治打撲傷損疼痛牡蠣散方

牡蠣 壹斤半炭火燒紅細研水飛過取壹斤

鉛粉 洛陽者炒黑細研半斤

當歸 末半兩 蓬砂 研

乳香 研各壹兩半

右五味研勻先用醋煮小黃米粥攤紙上用藥末三錢匕勻摻粥上裏貼患

處次用藥末二錢匕濃煎蘇枋木汁一盞調下不拘時候服

治打撲傷損筋骨疼痛散方

鉛粉 炒半兩 蓬砂 研貳兩 當歸 切焙半兩

右三味搗研勻每服二錢匕濃煎蘇枋木汁調下若傷損在腰以上先喫淡

麩少許後服藥如損處在腰下先服藥後喫淡麩少許後只如常調藥服更

用糯米或黃米作粥拌藥二錢攤在紙上以故紙竹夾封裏損處

治打撲內損疼痛摩膏方

蓖麻子 去皮研壹兩半 草烏頭 生為末半兩 乳香 研壹錢

右三味一處和勻量多少入煉成豬脂研為膏每取少許塗傷處炙手摩令

熱做效如痛甚不可摩即塗腫痛處

治打撲損傷瘀血不散疼痛木鼈裹方

木鼈子

去殼研半兩

桂去粗皮參分

芸臺子

酒浸研貳合

丁香

伍拾粒

右四味將丁香桂為末與研者二味和勻次用生薑汁煮米粥攤紙上將藥末量多少糝入粥內看冷熱裹之一日一換

治打撲傷損補骨脂裹方

補骨脂

微炒貳兩

右一味搗為末用醋煮黃米粥攤在紙上封裹損處

治打撲損傷瘀熱疼痛天南星貼方

天南星

壹兩

黃藥

去粗皮半兩

右二味搗為末用生薑汁調貼腫痛處

治筋骨傷折接骨知母裹方

知母

焙

貝母

心去

白及

白斂

桂

去粗皮

乳香

研各半兩

右六味搗研為細末用好酒調如糊攤藥在新帛子上裹所傷處三五日一換

換

治打損成瘡不合方

蓖麻子去殼

右一味生研貼所患處如乾以津唾潤之

治破傷血出不止方

右用燈心爛嚼和津唾貼之或用帛裹縛之

治打撲損傷疼痛方

蓬莪茂剉煨

白殭蠶炒各壹兩

蘇枋木剉貳兩

右三味麤擣篩每服三錢匕水一盞煎至七分去滓不拘時溫服

治打撲傷損止痛烏頭丸方

烏頭桑枝去皮生為末

黃狗膽壹枚

右二味以膽汁和藥末丸如菘豆大每以冷酒一盞下三丸酒須飲盡

治傷損血入四肢疼痛不可忍乳香散方

乳香研

白芷

桂皮去粗

沒藥研

安息香研

地龍去土炒

補骨脂炒

當歸炙剉各半兩

右八味搗研為散熱酒調下二錢匕

治傷損止血白欬燻藥方

白欬

白芨

白芷

碧蘆皮炙黃各壹兩

右四味搗羅為末雞子清拌石灰炒乾後入前末研細傷損處封之

腕折

論曰凡舉動不慎為物所擊致腕折者筋骨損傷血氣蹉跌或留積成瘀焮腫疼痛宜速治之外則傅貼肌肉內加調養榮衛之劑則肢體可完矣
治腕折手足熱腫疼痛骨碎補散方

骨碎補去毛

當歸焙切

芎藭剉

桂去粗皮

蒲黃

蜀椒去目并閉口

澤蘭葉

沒藥研各半兩

右八味搗羅為散每服二錢匕温酒調下不拘時

治腕折筋骨疼痛延胡索散方

延胡索

橘子人

蒲黃

芸臺子

當歸焙切

虎脛骨酥炙各壹兩

桂去粗皮半兩

牽牛子叁分壹半生壹半炒

右八味搗羅為散每服二錢匕温酒調下不拘時

治腕折骨損筋傷疼痛地黄傅方

右以生地黄不限多少熟搗用醋熬乘熱攤於所傷處以帛繫定每日一換

治腕折氣血瘀滯疼痛黃耆散方

黃耆剉 生乾地黄焙

當歸切焙各

桂皮去粗

烏頭炮裂去皮臍

續斷剉

附子炮裂去皮臍

芍藥各半

蜀椒去目并合口炒出汗壹分

乾薑炮

大黃剉

木通剉各

右一十二味搗羅為散每服二錢匕温酒調下不拘時

治腕折疼痛芍藥散方

赤芍藥

黃耆剉各

附子炮裂去皮臍

當歸切

續斷剉

桂皮去粗

羌活去蘆

虎骨炙酥

蜀椒去目并閉口炒出汗

大黃生各

烏頭炮裂去皮臍

右一十一味搗羅為散每服二錢匕温酒調下不拘時

治腕傷骨折青金散方

生龍腦

研別

麝香

別研各

丁香

炒為末

虎脛骨

白者燒灰

鯨鯉甲

燒灰

右五味將虎骨并鮫鯉甲灰丁香末同研極細次下龍腦麝香和研令勻用瓷合盛每服半錢匕用小黃米一合煮粥入醋少許攪勻下藥又取藥隨所傷多少用帛子攤裹之經宿一換

治腕折傷損附子膏方

附子生去皮臍兩豬脂兩肆

右二味先鍊豬脂去滓入附子末拌勻酒少許調如膏攤貼傷處日一易

治腕折止疼痛內損沒藥散方

沒藥研

騏驎竭

丁香炒

虎脰骨酥炙各半兩

乳香壹分別研

骨碎補壹兩

桑根白皮剉焙

赤小豆各貳兩

右八味搗羅為散每服二錢匕熱酒調下

治腕折活血丸方

桑枝東南引雞子大粗者細剉壹斗內鍋中入米醋炒黑存性為末

雄黑豆叁升入米醋炒焦存性為末

粟子肆佰枚連皮燒入醋內存性為末

乳香半兩細研

右四味搗研為末以醋煮糯米粥和搗千杵丸如彈子大陰乾勿見日後用米醋磨好香墨為衣候乾以布袋盛掛當風處每服一丸與乳香酒同煎令

化溫服服後向痛處卧日再疼痛自止

治腕折筋骨疼痛黑散子方

香墨半兩 煨醋 滓三編烏頭燒灰 留性

芎藭

敗龜醋炙各 壹兩

木香貳兩赤芍藥酒浸 焙對

桂去粗 皮

沒藥研

自然銅煨醋 滓 柒編當歸片切 酒 浸焙

地龍去土 炒

乳香研

骨碎補 白芷各壹 兩半

右一十四味搗羅為散每服二錢匕熱薑酒調下不拘時

治腕傷折疼痛不可忍萬莖散方

萬莖子壹兩 色者炒 黑乳香半兩 研

右二味同為細散每服二錢匕熱酒調下不拘時服訖向痛處卧

治腕折先用止痛白礬湯熨方

白礬

右一味為細末每用一匙沸湯一椀泡化以手帕子蘸乘熱熨傷處少時痛

定排整筋骨次用貼藥

雄鼠糞是 者 桂 去粗皮 為末

右二味等分研勻量傷折大小以冷水調藥末攤軟帛上裹之須臾如火暖三日後損處極痒是筋骨生長切不可動搖搔抓其藥力常如火暖如一兩日後覺藥力不暖即換新藥裹之

治腕傷折乳香膏方

乳香兩

參

沒藥

貳兩 貳味對如皂子大用生絹袋盛內黃米內蒸如膠候冷別研

銅錢

肆拾玖文 火煨淨數編掃末

蜜陀僧

雄黃各半

甜瓜子

當歸切

骨碎補

虎骨酥

黑狗頭骨

牛骨

人骨

木鼈子

騏驎竭

各壹分

右一十四味搗研為末拌勻入絹袋子內蒸如錫以瓷器盛如有傷折者旋取丸如碗豆大每服二十九丸溫酒下

倒仆蹴損

論曰或因乘車馬或登陟危險誤多倒仆輕則蹉跌筋脉蹴損不能伸屈甚者乃至踈折筋骨治宜速以養血脉續筋骨之劑服之則其效速矣
治倒仆蹴損筋骨疼痛虎骨散方

虎骨

酥炙別為末壹兩

酒壹升

生地黄汁

壹升

右三味將地黃汁并酒煎沸入虎骨末同煎數沸每服一盞溫服不拘時候
治倒仆蹠損筋骨疼痛當歸湯方

當歸

切炒

芍藥

各貳兩

熟乾地黄

焙肆兩

右三味粗搗篩每服三錢匕水一盞煎至七分去滓溫服不拘時候

治倒仆筋脉蹠損芍藥散方

赤芍藥

黃耆

剉

附子

炮裂去皮臍

當歸

切炒

續斷

剉

桂

去粗皮

羌活

去蘆頭

虎骨

炙酥

蜀椒

去目并閉口者炒出汗各壹兩

烏頭

炮裂去皮臍半兩

右一十味搗羅為散每服二錢匕溫酒調下不拘時候

治墜墮倒仆蹠損筋脉芍藥湯方

芍藥

壹兩半

澤蘭

取葉

附子

炮裂去皮臍

牛膝

酒浸切焙各壹兩

蜀椒

去目及閉口者炒出汗

生乾地黄

焙各叁分

桂

去粗皮半兩

右七味剉如麻豆大每服三錢匕水酒共一盞煎至七分去滓溫服不拘時候

候

治倒仆筋蹠不得舒展地黄酒方

生地黃

洗切研酒升叁

右二味共煎數沸去滓每服一盞溫服不拘時候

治倒仆諸筋蹠損槐子煎方

槐子

炒為末用酒壹升浸壹宿

桂皮

去粗附子炮裂去皮臍各壹兩

秦艽

白朮

炒

續斷

附子

炮裂去皮臍各壹兩

右六味除槐子外搗為粗末將槐子酒先煎次入豬脂半斤再煎沸即入藥末再煎熟絞去滓瓷合盛每服一匙溫酒調服不拘時候

治倒仆蹠損筋脉地黄酒方

生地黃汁

壹升酒

桃人

去皮共別研壹兩

右三味先將地黃汁并酒煎令沸下桃人膏再煎數沸每服一盞溫服不拘

時候

被傷絕筋

論曰凡肢體為物所傷致筋斷絕不相續者使榮衛失道血氣留瘀而為腫痛治宜以活血續筋養之

治被傷筋斷益母草煎方

益母草汁貳升

生地黄汁半升

白蜜生用貳兩

右三味和勻以綿絹濾去滓入銀石器中慢火煎不住手攪候如稀飭以瓷合盛每服一匙用温酒化下不拘時

治被傷筋絕蟹髓方

蟹髓取甲中并足中者不拘多少

右一味畧熬內筋斷處外以物帛繫縛即搗葛根汁飲之

治骨折筋斷乾地黄散方

熟乾地黄焙

當歸切炒

羌活去蘆頭

苦參各貳兩

右四味搗羅為散每服二錢匕温酒調下不拘時

治被傷筋絕旋復根傳方

旋復根洗不拘多少

右一味細搗爛量所傷處多少傅之一日一換

治筋傷骨損補接脛腠臍散方

脛腠臍酒炙

熟乾地黄焙

芸薹子研

桑根白皮剉

沒藥 研

當歸 剉炒各壹兩

桂 去粗皮半兩

右七味搗研為散每服二錢匕温酒調下不拘時

治墜車落馬踠折筋斷疼痛黃耆散方

黃耆 剉

赤芍藥 各叁兩

蜀椒 去目及閉口者微炒去汗

乾薑 炮

大黃 剉炒各壹兩

當歸 剉炒

續斷

桂 去粗皮

附子 炮裂去皮臍

熟乾地黄 焙

木通 剉各貳兩

烏頭 炮裂去皮臍半兩

右一十二味搗羅為散不拘時候以温酒調下二錢匕

治骨折筋斷傷損疼痛桂附散方

桂 去粗皮

附子 炮裂去皮臍

白殭蠶 微炒

蒲黃

茅根 剉

古銅 錯末

當歸 剉炒各壹兩

右七味搗羅為散不拘時候以温酒調下二錢匕

治腕折筋傷地黃傅方

生地黃 不拘多少

右一味熟搗用傅所傷處

傷墮致損吐唾出血

論曰凡墜墮打撲內動心氣榮衛氣血不至為患多矣若暴損胸脇氣留盲膜損血入胃停積不去甚則效唾吐血治法當調其榮衛緩其中逐去損血

甘草 壹兩

白茯苓 去黑皮 壹兩

人參 壹兩

杏仁 湯浸去皮尖雙

人炒研叁分

右四味除杏人外粗搗篩入杏仁拌勻每服三錢匕水一盞煎至七分去滓
溫服不拘時

治一切傷損吐唾出血日漸痿瘦黃耆湯方

黃耆 剉 焙

芍藥

甘草 炙

當歸 切 焙

芍藥 各壹兩

右五味粗搗篩每服三錢匕水一盞煎至七分去滓溫服不拘時
治墜墮內損吐唾出血桂心湯方

桂 去粗皮

當歸 切 焙

蒲黃 各壹兩

大黃 切炒 半兩

右四味粗搗篩每服三錢匕水一盞煎至七分去滓溫服不拘時

治因打撲損傷肺氣或欬嗽有血或吐血地黃湯方

生地黄 洗切 貳兩

栢葉 半兩

黃芩 去黑心 壹兩

阿膠 炙燥 壹分

甘草 炙壹兩

右五味剉如麻豆每服三錢匕水一盞煎至七分去滓溫服不拘時

治打撲一切損內傷血瘀時吐唾中出血蒲黃散方

蒲黃 貳兩

當歸 切焙

桂 去粗皮

人參

檳榔 各壹兩

右五味搗為細散每服二錢匕溫酒調下不拘時

治墜墮癩撲內傷藏氣吐唾出血艾葉湯方

艾葉 炒半兩

白芍藥 叁分

熟乾地黄 壹兩

乾薑 炮半兩

阿膠 炙令燥壹兩

甘草 壹分

右六味粗搗篩每服三錢匕水一盞煎至七分去滓溫服不拘時

治傷損血滯在內吐唾中血出不止阿膠湯方

阿膠 炙令燥

熟乾地黄 焙

赤芍藥

當歸 切焙

芍藥 各壹兩

乾薑 炮半兩

右六味粗搗篩每服三錢匕水一盞煎至七分去滓溫服不拘時

治傷損吐唾出血荆芥湯方

荆芥穗

淡竹茹細剉

當歸切焙各壹兩

右三味粗搗篩每服三錢匕水一盞煎至七分臨熟入生地黃汁少許攪勻去滓溫服不拘時

治從高墜下內損吐血消血散方

蒲黃

當歸切焙

乾薑炮

桂去粗皮各壹兩

蝨蟲去足翅炒壹分

大黃蒸剉壹兩半

右六味搗羅為散每服三錢匕溫酒調下不拘時候

治從高墜墮吐唾出血面青氣短胡粉散方

胡粉壹兩

右一味研細每服一錢匕溫水或酒調下

傷損止痛生肌

論曰凡肢節為物所傷皮肉破裂久而疼痛不已肌肉不生者以寒冷搏之榮衛不溫津液不養故也

治傷折氣血凝滯瘡口不合肌肉不生黃耆散方

黃耆剉

赤芍藥

熟乾地黃焙切

當歸焙切

桂 去粗皮 各壹兩

乾薑 壹分 炮

木通 剉

續斷 剉 各半兩

附子 炮製 去皮 臍壹枚

右九味搗羅為散每服二錢匕温酒調下不拘時候

治傷折肉破瘡口不合止痛生肌紫檀香傳方

紫檀香 剉

山芋

鉛丹 研各 貳兩

馬齒莧 拾兩 細切暴乾

右四味除鉛丹外搗羅為末再和研勻每用隨瘡大小乾傅之

治傷損瘡口不合止痛生肌檳榔散方

檳榔 剉生

黃連 須去

木香 各壹兩

龍骨 煨過 半兩

右四味搗羅為散隨瘡大小傅之

治傷損皮破成瘡肌肉不生疼痛麒麟竭散方

麒麟竭 壹兩

生人牙齒 火煨

蜜陀僧 煨過 各半兩

右三味搗羅為細散隨瘡口大小傅之

治傷損止痛生肌烏賊骨膏方

烏賊骨 去甲 為末

舊船灰 為末 各壹兩

鉛丹 貳兩 半

麝香 研壹錢

麻油 兩 剉

右五味先熬油令沸熟次下船灰末烏賊骨末攪轉良久下鉛丹不住手又攪如稀稠得所黑色即入麝香便傾入厚瓷石器內候冷塗所傷處

治傷折損破痛不止肉不合當歸膏方

當歸

為末壹兩

阿魏

研壹分

緋帛

細剪伍寸

胎頭髮

細剪半兩

鉛丹

貳兩

麻油

肆兩

右六味先煎麻油令沸熟次入頭髮并緋帛煎令焦濾去渣再煎油候沸入鉛丹阿魏當歸以柳枝攪令勻候黑色滴水中成珠子即以厚瓷合盛之塗瘡口或攤紙上貼之

治一切傷損止痛生肌黃耆膏方

黃耆

剉

當歸

切焙

附子

炮裂去皮臍去

白芷

芎藭

續斷

細辛

去苗葉

薤白

細切各壹兩

豬脂

切壹斤

右九味除豬脂外搗碎以酒半升拌一宿焙乾次日先煎脂沸下諸藥候色變濾去滓以合盛之不俱多少塗所傷處

頭傷腦髓出

論曰凡腦為物所擊傷破而髓出者治癩宜速蓋頭者諸陽所會凶者物所受命若腦破髓出稽於救治斃不旋踵宜速以藥封裹勿為外邪所中調養榮衛安定精神庶幾可活若其證戴眼直視不能語者不可治

治頭為物所擊腦破髓出悶絕但有氣在心者豚血灌方
豚子血 壹合如無豚子猪血亦得

右一味每用少許灌腦中立醒

治腦破髓出欲死服水銀方

水銀 錢貳

右一味每用一錢許服之即活須臾未覺再服

治頭破腦髓出中風口噤大豆酒方

大豆 斗壹

右一味搗碎安甑上蒸之乘熱以酒一斗淋下每服一盞連三五服取汗為

効

諸傷折淋熨貼燻并膏藥

論曰凡傷折有輕重淺深久新之異治法亦有服食淋熨貼燻之殊當詳所損

之勢而燦之去毒散滯生肌長肉亦各有序無致差紊乃明傷折之本末也

治傷折筋骨淋燂桂附散方

桂皮去粗

附子生去皮臍

白礬

細辛去苗葉

白芷各壹兩

五加皮剉

桑葉各貳兩

右七味搗篩為散每劑用三兩入葱連根十莖以水一斗煎沸逐旋淋燂立

効

治傷折瘀血不散芫花粗散熨方

芫花

原蚕沙各叁兩

生地黄貳斤

生薑肆兩

蜀椒去目及閉口

當歸各壹兩

牛膝

桑根白皮

艾葉

白芷各貳兩

右一十味並細剉粗搗以醋拌炒熨用青布裏熨之立効

治傷折疼痛淋燂芫蕪湯方

芫蕪

甘草炙

蜀椒去目及閉口

當歸切焙

吳茱萸浸炒各壹兩

桑根白皮剉炙

澤蘭各貳兩

松脂壹兩

黑豆

壹升研碎入松脂內炒

右九味粗搗篩每用藥三兩水一斗煎沸淋煤痛處立効

治傷折接骨鮫鯉甲骨貼燿膏方

鮫鯉甲

塗醋炙
叁兩

桂皮

去粗

當歸

切焙各
壹兩

生地黄汁

麩

壹匙

附子

生去皮
臍壹兩

生薑

汁

右七味除汁外搗細羅為散熱煖地黃生薑汁調散五錢匕令勻攤於絹上
乘熱裏貼損折處急繫縛每日一換

治折傷接骨木鼈子貼燿膏方

木鼈子

去殼
貳兩

蜀椒

去目及閉
口炒出汗

虎脰骨

酒炙

龜甲

醋炙各
壹兩

松節

叁兩細剉醋壹
升炒令醋盡

右五味搗羅為散用小黃米半升作稠粥調藥五錢攤於絹上封裏損折處

立効

治接骨桂附貼燿膏方

桂皮

去粗

附子

生去皮臍
生用

乳香

研

蜀椒

去目及閉
口炒出汗

白礬

碎

吳茱萸

浸炒各
壹兩

生薑汁

酒

各伍
合

右八味搗研六味為散將薑汁并酒各五合共煎取七合入藥末調令勻於

油單子上攤貼患處急裏縛之其痛立定

治傷折接骨貼燻靈龜膏方

龜甲

醋炙 伍兩

大黃

剉

木鼈子

去殼各 叁兩

當歸

焙切

桂

去粗皮 各貳兩

右五味搗羅為末每用時先將好酒一升煎去一半停冷後入藥末一兩以

柳木篋不住手攪成膏以油單子上攤貼傷損處立効

治傷折皮肉破冷久不合宜用長肉合瘡口乳香膏方

乳香

研

續斷

當歸

焙切

菖荇子

亂髮

燒灰

騏驎竭

薰陸香

各貳 兩

桂

去粗皮 壹兩

麻油

柒 兩

松脂

豬脂

臘月 者

鉛丹

各肆 兩

右一十二味除麻油豬脂鉛丹外並搗羅為末先煎油并脂等令熟停冷下

藥末以柳木篋攪令勻用慢火更煎半日後下鉛丹攪令勻候成膏瓷合盛

每用故絹攤貼立効

治傷筋骨腫痛不可忍摩痛膏方

丁香

別搗 為末

麝香

別 研

羌活

去蘆 頭

芎藭

防風

去

細辛

去苗

牛膝

去苗各半兩

駝脂

拾兩

臘月豬脂

貳拾兩

木鼈子

去殼

附子

去皮臍生用

桔萋根

各壹兩

右一十二味除駝脂豬脂丁香麝香外細剉以米醋二升拌勻經三宿入鐺中炒令乾下駝脂及豬脂等以慢火再煎候諸藥焦黃色即住火用綿濾去滓後下丁香麝香攪勻內瓷合中盛旋取摩之

諸骨蹉跌

論曰凡墜墮擗撲骨節閃脫不得入臼遂致蹉跌者急需以手揣搦還復樞紐次用藥調養使骨正筋柔榮衛氣血不失常度加以封裹膏摩乃其法也

治諸骨蹉跌補絕傷地黃散方

生乾地黃

焙

桂

去粗皮

乾薑

炮

芎藭

甘草

炙

當歸

切炒

芍藥

各壹兩

右七味搗羅為細散每服二錢匕温酒調下不拘時候

治諸骨蹉跌補傷絕大豆湯方

大豆

炒去皮

大黃

炮

生乾地黃

焙

桂

去粗皮各壹兩

右四味粗搗篩每服三錢匕水酒共一盞煎至七分去滓温服不拘時候

治諸骨蹉跌血瘀腫熱疼痛大黃散方

大黃

蒸切

大豆

炒去皮各貳兩

桂

去粗皮壹兩

右三味搗羅為細散每服二錢匕温酒調下日三服

治諸骨蹉跌脫臼疼痛烏頭膏方

草烏頭

去皮共剉炒

細辛

去苗葉

獨活

去蘆頭

蛇床子

炒各半兩

吳茱萸

洗焙炒壹兩

葱

貳拾莖

生薑

肆兩

右七味搗羅前五味為末次將生薑葱二味研細後入藥末同和令勻乘濕攤絹帛上裹所損處日一

治諸骨蹉跌不歸白疼痛地黃膏方

生地黃

貳斤洗細切

右一味搗研細用好醋一升煎得所和之乘熱攤絹帛上裹蹉跌處日一易

治骨節蹉跌內傷疼痛地黃傅方

生地黃

貳斤洗研

芥菜子

研肆兩

右二味細研和勻入酥四兩同煎沸乘熱傅損處或以帛子繫之日一易

治傷損骨蹉跌地黃卷方

生地黃

研切

藏瓜薑內糟

生薑

洗切研各壹斤

右三味同以慢火炒乘熱罨損處以帛繫之日一易

治骨出白蹉跌不復疼痛當歸膏摩方

當歸

洗切焙

續斷

剉

細辛

去苗葉

木通

剉

白芷

切

芎藭

剉

甘草

剉

蜀椒

去目及閉口者

牛膝

去苗

附子

去皮臍生切各壹兩

右一十味粗搗篩用豬脂半斤先煎取油次下諸藥煎如膏以絹絞去滓瓷合盛每用少許抹損處熱手摩之

大德重校聖濟總錄卷第一百四十五

大德重校聖濟總錄卷第一百四十六

雜療門

雜療統論

論曰人之一身無尺寸之膚不愛無尺寸之膚不養食飲不可以不節起居不可以不常蓋藥石蔬茹禽獸蟲魚有失味之和蜘蛛蜈蚣蚊蟲蜂蠍有啞膚之患至於飲水涉溪穿井入冢一有不慎適中其毒有害生理雜療之方蓋不可闕今隨證編集于後云

中毒藥

論曰神農嘗百草一日而七十毒以辨相得相反相惡相畏至於有毒無毒各有制治然藥無毒則疾不瘳內經所謂知毒藥為真者乃用藥之要也昧者誤有服食當究其毒以制治之猶巴豆之用黃連半夏之用生薑是也
解一切藥毒椿皮飲方

椿白皮

東柳枝

並細劉
各貳合
少許阿魏

右三味以水三盞同煎取一盞去滓空心頓服吐出惡物即差吐後服蜂窠

散

治藥毒吐後蜂窠散方

土蜂窠

炒研末 壹兩

赤小豆

糯米

粟米

藍寶

肆兩並生 用各貳兩

豬苓

去黑皮

薺芫

各剉 半斤

馬蘭

乾者 貳兩

右八味搗羅為散每服三錢匕溫水調下空心日晚服一方入豬糞炒焦

治中毒藥心腹切痛不可當欲死者有救療不及死後身黑是中毒之證解毒丸方

大棗

貳枚去 皮核

巴豆

參染 粒去皮 膜不出油

右二味共研勻只作四丸逐丸以大鍼穿就麻油燈焰上熏令黑用瓷合貯

遇中毒者每服只一丸隨所中毒物汁嚙下不得嚼破一二時辰取下毒其

毒即包裹所服藥下或不知所中毒物即以茶清一大盞放溫嚙下

治中藥毒心膈煩悶甚者如錐刺痛不可忍宜速吐之甘草湯方

甘草

生用 貳兩

白藥

壹兩

右二味細剉以水三盞同煎至二盞去滓候冷頓服以吐出惡物為度吐了

後再單煎甘草一味服尤佳

治一切藥毒發不問草石始覺惡心參門冬飲方

生麥門冬去心 葱白切

豉兩

右三味剉如麻豆大以水七盞煎取三盞半去滓分三服如食頃再服

治中藥毒心痛煩悶甘草飲方

甘草生剉 葛粉研

白蜜半

右三味以水六盞先煎甘草減半內葛粉并蜜更煎三兩沸去滓溫分三服

如食頃再服

解毒藥藍根飲方

藍根剉 蘆根剉

菘豆研

澱脚研

右四味先將藍根蘆根以水一椀煎至七分去滓次將後二味和勻分三服

或一二服利下惡物不用再服

解中一切毒藥唇口麻目暗心腹如刀刺或吐出血解毒散方

石綠不計

右一味研細每服一錢匕研萊菔子汁調下即吐吐得毒出即服和氣藥調

補

治藥毒吐出生麻散方

升麻

半兩

右一味為散食後及夜卧温水調下一錢匕服半月後一切毒藥入口即便吐出宜常服

解中藥毒吐血腹內如錐刺者歸魂散方

白礬

草茶

各壹兩

右二味搗研為散分作三服用新汲水調下連服之立解此藥入口其味甘甜不覺苦味者是中藥毒也

解藥毒如聖散方

露蜂房

甘草

各半兩同用
麥麩炒去麩

右二味擣羅為散用水一盞半煎至八分放温臨卧頓服明日取下惡物為效

解藥毒太白散方

山芋

叁兩

右一味為散每服二錢匕新汲水調下日三服
治一切毒及藥毒辨毒散方

阿魏 研

青鹽 研各壹兩

甘草 生剉叁兩

右三味搗研為散如遇有毒物處每日空心沸湯點服一錢匕若食著毒物立便吐出

解一切藥毒蠶蠶散方

白蠶蠶 直者炒

右一味為散每服一錢匕粥飲調下吐出毒差

解一切藥毒二珍丸方

天南星 卷兩為末 黃牛膽 大者壹枚取汁

右二味和丸如雞頭大陰乾遇中毒者洗汗襪水澄清半盞入鹽少許磨下一丸或吐或利即差如吐利後氣滿即服平胃散助之此藥但頭腹未裂並

可治

治百藥毒方

甘草 貳兩生剉

右一味以水三盞煎至一盞半去滓停冷每服半盞細細飲之未效更服

解一切藥毒薺芫飲方

薺芫

貳兩
剉碎

右一味以水三盞煎至一盞半停冷細細飲之

解一切藥毒大豆飲方

大豆

壹升

右一味以水二升煮至一升去豆停冷細細飲之

解一切藥毒麻人飲方

大麻人

伍合

右一味研如膏入水二盞攪令勻取汁細細飲之

解巴豆毒方

黃連

去須
壹兩

右一味搗為細散每服一錢匕溫湯調冷服之

解半夏毒方

生薑

細切
肆兩

右一味細研取自然汁和冷水旋旋飲之

解躑躅毒方

梔子人兩肆

右一味為散冷水調下二錢匕未效再服

解藜蘆毒方

雄黃壹兩

右一味細研煎葱汁調下一錢匕未效再服

解甘遂毒方

大豆不拘多少去皮

右一味以水研取汁每服一盞未效再服

解蜀椒毒方

葵子汁

桂汁

豉汁各壹盞

右三味同和每服一盞未效再服

解礬石毒方

白鵝膏不拘多少

右一味研細每服一匙大豆汁調下

解芫花毒方

防已

防風又去

甘草生剉

桂去粗皮 各壹兩

右四味搗羅為散每服二錢匕冷水調下連併三服

解烏頭附子天雄毒方

遠志心去

防風去又各 壹兩

右二味搗羅為散每服二錢匕大豆汁調下連進三服

解葶藶毒方

薺芫

犀角屑

甘草生剉各 壹兩

右三味搗羅為散每服五錢匕温湯調下

解大戟毒方

芎藭壹兩

右一味搗羅為散每服二錢匕温湯調下

解桔梗毒方

粳米貳合

右一味洗淨煮白淡粥食之

解杏仁毒方

藍實

不拘多少

右一味研取汁水和服之

解斑貓芫青毒方

右用豬脂大豆汁服之或戎鹽汁同服解之或以藍湯煮豬脂停冷服並解之

解狼毒毒方

杏仁

壹兩去皮
共研細

右一味每用一匙以藍汁調服

解藥毒蠱毒等疾丹砂丸方

丹砂

研

雄黃

研

附子

炮裂去皮臍
為末各壹兩

豉

陸拾粒
炒

巴豆

陸拾粒去皮心
膜麩炒去油

右五味細研巴豆并豉入前三味鍊蜜和搗數百下丸如胡豆大瓷瓶蜜收每服二丸煖蜜酒下

治中金石藥毒黑鉛酒方

黑鉛

壹斤

右一味以甘鐳銛作汁投酒一升如此十數迴候酒至半升去鉛頓服之

食毒

論曰五穀五菜五畜五果以至藥石皆能養性益壽延年却老療疾蠲邪然有損有益有利有害不可不察飲食之間可不慎哉本草論物性味有相須相得相畏相惡相得則良相須則用相畏則制其毒相惡則置而不用然則飲食有盡宜有解散除治之法也

辨飲食毒法

右凡飲食傾澆於地地土湧起者不可食食之皆殺人

治新中雜食痰實不消心腹堅者方

白鹽貳兩

右一味以水二大盞同煎至一盞半分三服連併服取吐為效

治因食毒並苦龍湯方

右取竈底當釜直下掘取赤土擣羅為細末以冷水調隨多少服之或犀角水摩取汁飲大效

又方

右取赤馬溺不計多少每服飲一兩盞

又方

右取苦參一兩半以醇酒二升同煎一升去滓令溫飲之得吐即愈或取甘草汁盞汁飲之

又方

右取桑上葷破作段著釜中以水五升煮取二升漉出澄清以慢火再煎沸經宿不食來晨空腹服三合則吐食瘕每日服三合差羸者減服之

治食諸餅臠百物中毒方

貝齒壹枚
生

右一味含之須臾吐出所食之物即差

又方

甘草生

薺芫各貳
兩

右二味細剉以水五盞同煎取二盞停冷去滓分三服

外臺秘要論曰嶺南俚人毒藥皆因食得之即覺漸不能食或五更心中滿脹并背急悶似瘴微覺即急取一片銀方寸
餘許含之一宿其銀變色即是著毒藥也

銀色青是藍藥若黃是茵藥俚人有解藥者畏人得法在外預合藥防之或名三百頭牛藥或言三百兩銀藥並是常用俚人不識本草乃妄言之其方如後未得此藥先以餘藥治之且令定解毒飲方

生薑

甘草

炙各壹兩

右二味各拍碎以水三盞煎取一盞半平旦空腹分二服服訖然後以別方治之

又方

常山

肆兩

白鹽

貳錢

右二味以水一斗浸之一宿以月盡日浸之月一日五更用土釜中煎之勿令奴婢雞犬見煎取二升於平旦分為三服用少時即吐以銅盆盛之看色青以杖舉得五尺不斷者即是藥未盡候一日二日後更進一劑乃良

又方

都淋藤

拾貳兩此藥嶺南有之土人皆識呼為三百兩銀藥甚細長其藤有高三尺者生切碎

右一味以水一升酒二升同煎取二升分三服如人行十里進一服服盡三服訖其藥毒遂從大小便出十日慎喫壅毒諸食不差更服以差為度

治解腹內諸毒二藤酒方

都淋藤

黃藤

各握取二虎口長三寸並細剉

右二味以酒三大升都入小罌罐中密封用慢火圍四邊燒之令沸伺溫出之溫服常有酒色無禁忌若不獲已欲食俚人食者先取甘草一寸炙令熟嚼嚥汁若食著毒藥即吐依前法治之若經含甘草而不吐者非也宜常取甘草十數截隨身帶之以自防嶺南人將生熟食物並於火上炮炙食之永無慮若席上撒藥卧著因汗入肉最難治可常自將淨席隨身及匙筋甘草解毒藥行為妙

食諸菜葷菌中毒

論曰朽木生葷腐土生菌二者皆陰濕之氣蒸鬱所生也既非冲和所產性必有毒若誤食之令人吐利不已心腹切痛甚者身黑而死菜亦生於陰濕食之過多或與菌葷同食性有反惡惡能害人可不慎哉

治食諸菜葷菌中毒甘草散方

甘草

炙剉

貝子

胡粉

各壹兩

右三味搗羅為散每服二錢匕水調下

治食諸菜中毒方

童子小便 人乳汁 各半 盞

右二味並和勻微煎過分温二服連併服之

治食諸菜葷菌中毒方

雞屎 燒灰

右一味碾為細末每服半錢匕用好豆醬半匙細研和藥温酒調下連三服

立解

治食諸菜中毒方

雞毛 燒灰 壹分 雞屎 燒灰 壹分

右二味細研和勻每服一錢匕用豆醬少許研酒調下三服效

治食諸菜中毒方

豆醬 不拘 多少

右一味逐旋量多少食之大解菜毒

治食苦瓠中毒方

秦瓠 剉半斤

右一味用水三升煮取一升時時服之

治食諸葷并菌中毒方

生薑

切研細肆兩

豆醬

肆兩

麻油

貳兩

右三味和研勻椽盛甑上蒸一炊許時取出不拘時候時時食之諸毒立解

治食葷并菌中毒方

右掘地作坑用新水投坑中攪之乘混濁取出以絹濾過用瓷器盛每服時

打轉飲一盞至三盞當效

飲酒中毒及大醉不解

論曰酒者熟穀之液也其性慄悍急疾後食而入先食而出能通關節而走膚腠上古作湯液醪醴為而不用後世嗜之無節或飲過度停積不散蘊滯於胃散流諸脉薰蒸府藏令人志亂乃至不醒有連日而無所覺知者甚則中毒而為酒疸諸熱之病也

治飲酒中毒不醒方

大豆

升叁

右一味以水三升煮取二升去滓每服一盞不拘時溫服

治飲酒大醉不得安卧必須使人搖動不爾恐酒毒腐傷脾胃方

右以生茅根擣絞取汁每服一小盞頻服之

治酒毒昏悶煩渴或醉不醒柑皮煮散方

柑子皮 貳兩洗焙乾

右一味搗羅為散每服三錢匕水一盞煎三五沸温服或入少鹽末沸湯點

未效再服

治飲酒中毒方

乾桑椹 貳合

右一味用酒一升浸一時久取酒旋飲之即解

治酒醉不醒方

菘菜子 不以多少

右一味每研半合以井華水一盞調服

治飲酒中毒葛花散方

葛花 壹兩

右一味搗為散沸湯點一大錢匕不拘時候亦可煎服

治飲酒過度不醒葛根湯方

葛根細剉 貳兩

右一味麤搗篩每服三錢匕水一盞煎七分去滓溫服不拘時候

治飲酒過多不醒石膏湯方

石膏伍兩

葛根剉

生薑細切各 叁兩

右三味剉如麻豆大每服五錢匕水二盞煎至一盞去滓溫服不拘時候

治飲酒太過內熱煩躁言語錯謬人參湯方

人參貳兩

芍藥

桔萸實

枳實去瓢 麩炒

茯神去木

生地黃洗切

甘草剉

葛根剉

酸棗人各壹兩

右九味剉如麻豆大每服三錢匕水一盞煎至七分去滓溫服不拘時候

治飲酒大醉心悶腹脹吐逆喘急豆蔻湯方

草豆蔻去皮 叁分

丁香

小豆

人參

木香

高良薑

檳榔剉

陳橘皮湯浸去白 焙各半兩

右八味粗搗篩每服三錢匕以水一盞入生薑半分切煎取七分去滓不計

時候溫服

治飲酒過度酒毒積在腸胃或嘔吐不食渴多引飲橘皮湯方

陳橘皮

湯浸去白炒

葛根

剉

甘草

剉

石膏

打碎各壹兩

右四味粗搗篩每服三錢匕水一盞煎至七分去滓溫服不拘時候

治飲酒發渴又欲飲酒栝樓湯方

栝樓根

桑根白皮

細剉各叁兩

麥門冬

去心焙壹兩

葛根

剉貳兩

右四味粗搗篩每服三錢匕水一盞煎至七分去滓溫服不拘時候

治飲酒後酒氣襲入方

乾蔓菁根

不拘多少蒸壹次切焙乾

右一味搗羅為散每服二錢匕飲酒後用新汲水調下

服藥過劑

論曰唯動與過疾所由生故所守不固則邪得以干之以五藥內攻使邪不勝正而已然毒藥攻邪不必過劑過則反傷正氣猶以五味致養稍過亦能為害此理之必至也

治服藥過劑反傷正氣致八邪干心或三蟲變蠱或乘虛中惡或變為五淋或致子為驚癇或筋攣脉結或產婦血運或胸停客熱花光散方

璵瑁屑兩 藍實兩 安息香研別 丹砂研別 琥珀兩

牛黃研別 人參 麝香研別 貫衆兩

右九味除別研外搗羅為細末拌勻每服一錢匕温酒調下早晚食後服小

兒半錢七日再服

治因寒藥內攻大腸急痛或胸臆冷氣或為血蠱或霍亂或心脹短氣或羸瘦

或腹痛不解或虛滿遺精或水腫或中惡充德丸方

艾去梗炒 藿茵壹兩 丁香 訶黎勒煨去核 桑根白皮壹兩

肉豆蔻去殼 益智子皮去 薑陸香研別 射香別研各

右九味除別研外搗羅為末同拌勻酒煮麩糊和丸如梧桐子每服二十九

早晚食前温酒下

治中蠱不深久變為鬼瘧或中氣結邪或胸臆痰癖或目中血出或中惡或驚

魘或八邪互變或產婦胎衣不下或致馬刀腫癰或處女不月宜真丸方

女青貳兩 蘭草壹兩 白菟藿 丹砂別研各 犀角鎊

馬先蒿 皂莢酥炙去皮子 簡茹各半 巴豆拾粒去皮心膜

右九味除別研外搗羅為末鍊蜜為丸如菜豆大每服七丸夜半冷茶清下

治服諸藥過劑心中悶亂方

右搗生葛根取汁半盞或一盞飲之或以葛根一兩細剉水二盞同煎至一盞去滓溫服亦良

又方

右於屋溜下作坑廣二尺深三尺以水七盞灌坑中攪揚之令沫出取沫五盞飲之未解更作

又方

右搗藁荷取汁飲一二升良冬用根夏用莖葉

又方

右燒犀角灰研細每服二錢匕水調服

又方

右刮東壁土以水調服

又方

右以粳米水研取清汁五升細細飲之

又方

右以雞子三枚取黃吞之

又方

右取板藍根七枚細切水一盞半同煎至一盞放冷細細飲之

又方

右以豉汁一盞飲之

又方

右以黃連末一錢匕溫水調服

大德重校聖濟總錄卷第一百四十六

聖濟總錄

卷第一百四十六

雜藥門

六

大德重校聖濟總錄卷第一百四十七

雜藥門

食牛馬豬犬魚蟹中毒

論曰夫禽獸品類有根性本毒者有無毒而食毒物者有雜合相畏相惡相因成毒者人不慎而食之致傷府藏之和亂腸胃之氣或輕或重各隨其毒而為害今備禽獸雜忌并解毒諸方于後宜預知焉

治食牛肉中毒方

豬脂鍊為油壹兩

右一味每服一匙頭以溫湯調化服之未差更服

治食牛肉中毒方

豬牙不拘多少燒灰

右一味搗為細末每服一錢匕以人乳汁調下

治食馬肝或肉中毒方

豬骨燒灰

右一味研細每服二錢匕冷水調下未差再服

治食馬肝中毒方

雄鼠屎貳柒枚炒

右一味為末冷水和服之未効再服

治食豬肉中毒方

大黃炒壹兩 朴硝研壹兩

杏人和皮打碎壹兩

右三味為粗末每服三錢匕水一盞煎七分去滓溫服

治食狗肉或食不消化狂躁方

杏人參兩和皮用

右一味和皮細研以熱湯投之去滓每服一盞溫服

治食自死六畜肉中毒方

黃蘗去粗皮壹兩

石一味搗為末每服一錢匕溫水調下

治食六畜肝中毒方

豆豉壹兩

右一味以水浸絞取汁旋服之

治鳥獸中毒箭其肉有毒解之方

藍青 卷握細切

右一味搗取汁每服一盞飲之

治食魚中毒面腫煩亂方

陳橘皮 湯去白焙壹兩

右一味搗為粗末以水兩盞煎至一盞去滓停冷細細飲之大効

治食魚中毒方

冬瓜 壹枚小者洗淨搗絞取汁壹大盞

右一味旋旋飲之効或甜瓜搗絞取汁飲之亦得

治食鱸魚中毒血腫煩亂欲死者方

生蘆根 搗絞取汁壹盞

右一味旋旋飲之以差為度

治食魚鱠中毒煩亂方

大黃 壹兩半 朴消 壹兩

右二味搗令碎每服三錢匕酒一盞煎至六分去滓温服早晚各一

治蟹腹中有毒食之或致死急治之方

大黃汁 紫蘇汁 冬瓜汁

右三味汁共一大盞飲之解毒立効

治食蟹中毒煩亂欲死者服五蠱黃丸得吐下皆差方

雄黃 壹兩以油從旦至夜煎之取出別研 莽草 取葉水洗暴乾炙壹兩

蜈蚣 赤足大者壹條炙令勻

鬼臼 壹兩 巴豆 貳拾枚去皮心炒令黃

右五味搗羅三味為末別研巴豆雄黃和勻鍊蜜為丸如小豆大瓷器中盛

每服三丸至五丸米飲下

治食蟹中毒方

蘆梢 細剉研碎叁兩

右一味以水一盞同研絞提取濃汁飲之大効

治食蟹中毒方

生藕汁 蒜汁 冬瓜汁 各壹盞

右三味各取汁各自飲之或一汁已解別汁不用飲

治食蟹中毒方

紫蘓 新摘者 壹蒸

右一味搗碎以水煎取濃汁飲之

治食魚中毒橘薑丸方

陳橘皮 湯浸去白 焙為末

生薑 去皮切 爛搗研 豆豉為末

右三味等分同和丸如梧桐子大每服二十九茶清下

解金銀銅鐵石毒

論曰五金受五方精氣各有毒性不可謂有利無害也服之適宜足以瘳疾服之非宜徒傷正氣當隨所畏惡以制之服石法亦若是

治金毒方

鴨血 壹 益

右一味每服半盞和鷄子清調下未効再服

治銀毒方

黃連 去鬚 甘草 生剉各 壹兩

右二味粗搗篩以水三盞煎取二盞去滓時復飲之

治銀毒方

石亭脂 壹兩

右一味搗羅為細末煎甘草湯調下二錢匕三服大効

治銅毒方

鴨屎 培乾無泥土者

右一味搗羅為細末用水調下一錢匕三服立解

治鐵毒方

磁石 大火煨醋淬貳柒偏壹兩

右一味細搗研如粉醋煮麩糊丸梧桐子大每服二十九丸水吞下未差更服

治丹砂毒方

鹽 半兩

右一味以冷水攪勻令澄旋飲之

治石鍾乳毒方

紫石英 壹兩

右一味搗羅為細散每服一錢匕溫水調下連三服

治硫黃毒方

細辛 去苗葉 壹兩

右一味搗羅為細散每服一錢匕煮豬肉白湯調下冷服又白野鴿肉亦治
硫黃毒凡一兩肉可解一兩毒

治消石毒方

女苑 壹兩

右一味粗搗篩每服二錢匕水一盞煎七分溫服不拘時

治陽起石毒方

菟絲子 壹兩 不用酒浸

右一味搗羅為細末每服一錢匕溫水調下三服立解

治雄黃毒方

防己 壹兩

右一味為細末每服二錢匕溫水調下連三服

治礪砂毒方

生菜豆不計多少研汁飲之

治礪砂毒方

漿水

右一味每服一盞不拘時服之

蠱毒

論曰千金論曰蠱毒千品種種不同有得三年方死有一月或百日乃死者其為病亦各有異或吐下鮮血或好卧閤室或心性反常乍嗔乍喜或四肢沉重痠痛緩與急皆有殊也且以五蠱推之有蛇蠱有蜥蜴蠱有蜚蠊蠱有蝮蟻蠱有草蠱若蛇蠱者面色青黃其脉洪壯病發之時腹內熱悶胸脇支滿舌本脹強不喜言語身體常痛心腹似蟲行顏色多赤唇口乾燥經年不治肝膈爛而死蜥蜴蠱者面色赤黃其脉浮滑而短病發之時腰背微滿手脚唇口皆習習而喉脉急舌上生瘡二百日不治噉人心肝盡爛下膿血羸瘦顏色枯黑而死蝮蟻蠱者面色青白其脉沉濡發時咽喉塞不欲聞人語腹內鳴喚或上或下若天陰久雨而病轉劇皮肉如蟲行手脚煩熱嗜醋食咳唾膿血顏色乍白乍青腹內脹滿狀如蝮蟻若成蠱吐成蚪蚪形是蝮蟻蠱經年不治噉人脾胃俱盡唇口裂而死蜚蠊蠱者脉緩而散病發之時身體乍冷乍熱手脚煩疼吐逆無時小便黃赤腹內悶胸中痛顏色多青或吐出似蜚蠊有足翅是蜚蠊蠱

經年不治噉人血脉枯盡即死欲知蠱與非當令病人唾於水內沉者是蠱浮者非也又云宣起取井華水未食前當令病人唾水內唾如柱脚直下沉者是蠱毒沉散不至下者是草蠱毒又云含大豆若是蠱豆脹皮脫若非蠱豆不爛脫又云以鵠皮置病人卧下勿令知若病劇者是蠱又云取新生鷄子煮熟去皮留黃白令完全日晚口含以齒微微隱之勿令破作兩炊時夜吐瓦上著霜露內旦看大青是蠱毒也昔有人食新變鯉魚中毒病心腹痛心下鞭發熱煩寃欲得水洗沃身體搖動如魚得水狀有人診云是蠱其家云野間相承無此毒不作蠱治遂死

治諸蠱毒注氣變化無常鮫魚皮散方

鮫魚皮

炙微

犀角

鎊

麝香

研

白龍骨

丹砂

研

雄黃

研

藁荷根

鹿角

鎊各壹分

蜈蚣

炙去足壹枚

右九味除研外搗羅為散共和令勻每服二錢匕温酒調下日三服
治中蠱毒腹內堅如石面目青黃小便淋瀝變易無常羚羊角湯方

羚羊角

鎊伍兩

藁荷根

肆兩半

梔子人

柒枚

牡丹皮

赤芍藥

黃連

去須

犀角

鎊各壹兩

右七味粗搗篩每服三錢匕水一盞煎至七分去滓不拘時溫服

治蠱毒喉中如物齧噉之不入吐之不出或下鮮血漸漸羸瘦腹大食飲不下

桃白皮散方

桃白皮

五月五日採陰乾臨用去黑皮壹兩半

大戟

劉

斑猫

去翅足米炒各叁分

右三味搗羅為散每服一錢匕空心清粥飲調下良久更喫少粥飲當吐利

蠱毒並出若一服未應再服即差

治蠱毒難愈喉中妨悶瘦痺化蠱丸方

胡鷺屎

炒壹合

獨頭蒜

伍枚

右二味同搗如膏丸如杏人大每日空腹以清粥飲下十九至十五丸其蠱

盡化作鮮血下

治中蠱毒令人腹內堅痛面目青黃病變無常蜜髓煎方

豬骨髓

研伍兩壹椀

右二味同煎令熟分為十服日三四服即差

治中蠱毒令人腹內堅痛面目青黃形露骨立病變無常寄生散方

桃上寄生

壹兩

右一味搗羅為散每服二錢匕不計時候如茶點服

治食中有蠱毒腹內堅兩目青黃瘦瘁鐵精丸方

鐵精不拘多少

右一味搗羅為末研生雞肝和丸如梧桐子大暴乾每服五丸至七丸温酒下

治蠱毒雄黃丸方

雄黃研

丹砂各半兩

藜蘆去蘆頭炙

鬼臼

巴豆去皮心膜研去油各壹分

右五味搗羅為末鍊蜜丸如小豆大每服三丸乾薑湯下逐下惡物并蠱毒為効

治初中蠱毒升麻湯方

升麻

桔梗炒

栝樓根各壹兩

右三味粗搗篩每服三錢匕水一盞煎至七分去滓不拘時服

治蠱毒生商陸汁方

生商陸伍兩

右一味洗細切用生薑半兩和搗取自然汁半盞五更初服之服了坐半時即睡至旦不動即以茶一盞投得利以冷水洗手面便止仍煮薤白温粥食

治蠱毒檉皮湯方

檉木皮

薔薇根分等

右二味細剉以水并酒共三盞同煮取二盞去滓溫分二服利下蠱物為効

治蠱毒土瓜根酒方

土瓜根壹兩

右一味細剉以酒一盞浸一宿次日去滓作一服吐下蠱即差

治蠱毒皂莢酒方

皂莢半挺去皮子生用

右一味細剉以酒一盞浸一宿空心去滓服之得利即差

治蠱毒薺莢散方

薺莢貳兩

右一味搗羅為散每服三錢匕粥飲調下

治蠱毒榭皮湯方

榭木北陰白皮壹大握長伍寸細剉

右一味以水三盞煎至一盞去滓空腹頓服得吐即愈

治中蠱毒胡荽根汁方

胡荽根

壹握洗剉

右一味搗取自然汁半盞不計時候服之其蠱立下和酒服亦得

治中蠱毒神驗散方

相思子

叁柒枚

右一味搗羅為散每服二錢匕空心溫水調下服後欲吐且忍之勿便吐不

可忍即便取吐其毒即快出少時以稀粥助之

治忽中蠱毒方

白雞血

不拘多少白鴨血亦得

右一味取灌口中立解

治中蠱心痛方

敗鼓皮

壹片

右一味燒灰細研粥飲調二錢匕病人須臾或自呼行蠱人姓名便愈

治諸般蠱化蠱丸方

硫黃

研壹兩

木香

半兩

蜜陀僧

壹分

附子

炮裂去皮臍別為末壹兩

右四味除附子別搗外搗羅為末先將附子末用米醋一盞熬成膏入前藥末丸如梧桐子每服十丸荊芥茶下空心食前服蠱化為水乃愈
治諸蠱在藏府久不差檳榔散方

檳榔 劉牛兩

右一味搗羅為散每服一錢至二錢匕煎葱蜜湯調下空心食前服

治中蠱毒吐血雄黃散方

雄黃 研壹分

伏龍肝 研半兩

獺肝 如棗大炙

斑蝥 去翅足糯米炒拾肆枚

右四味搗羅為散每服二錢匕空腹以酪漿調下或吐蝦蟇及蛇等出為驗

治中蠱毒吐血藁荷根湯方

藁荷根

苦參 各壹兩

敗鼓皮 燒存性參分

右三味粗搗篩分為四服每以水一盞煎至七分去滓不計時溫服

治中蠱吐血麥麩散方

小麥麩 貳合

右一味分為三服以冷水調服半日服盡蠱下即差

治中蠱吐血桔梗汁方

生桔梗

不拘多少

右一味搗取汁每服一小盞日三服

治中蠱吐血桑心湯方

桑木心

剉貳斗

右一味於釜中以水五斗煮取二斗澄清再用微火煎取五升夜勿食且服五合吐出蠱毒即差

治蠱毒下血蝟皮散方

蝟皮

壹枚燒為灰

右一味細研以熟水調下二錢匕日三服

治卒中蠱毒下血如雞肝晝夜不止藏府悉損桔梗散方

桔梗

伏龍肝等分

右二味搗羅為散每服以溫酒調下二錢匕日三不能下藥幹口開灌之心
中自定服七日止食豬肝臙補之

治蠱毒下血如爛肉片心腹疔痛如有物齧若不即治蝕人五藏乃死槲皮散

方

榭木北陰白皮

桃根白皮各肆兩並細剉

蝟皮灰

亂髮灰各壹兩大麻子汁伍升

右五味先以水五盞煮榭皮桃根皮取濃汁二盞和麻子汁每服煖汁一盞

調亂髮灰蝟皮灰二錢匕令患人少食旦服須臾用水一盆以雞翎引吐於

水中如牛涎諸蟲並出

治中蠱下血如鴨肝腹中病痛急者茵根湯方

茵根

升麻

犀角各壹兩

地榆剉

白藜荷根各貳兩

桔梗剉炒

藥皮剉

黃芩去黑心各半兩

右八味粗搗篩每服五錢匕水一盞半煎至七分去滓不計時溫服

治蠱毒吐或下血如爛肝茵根湯方

茵根

藜荷根各半升

右二味細剉以水五盞煎至三盞半去滓空腹分溫三服

治蠱毒吐血或下血如爛肝苦瓠湯方

苦瓠壹枚切

右一味以水二大盞煎去滓取一盞空腹分溫二服吐下蠱即愈

治五種蠱毒馬兜鈴根湯方

馬兜鈴根 壹兩

右一味細剉以水一盞至七分去滓空腹頓服當時吐出蠱未吐再服以快為度

治五蠱吐血傷心腹中氣寒語聲不出氣悶飲食吐逆身體浮腫煩疼寒戰夢與鬼交及狐狸作魅卒得心痛上义心胸或痛如刀刺經年不起雄黃丸方

雄黃 研

椒目 微炒

鬼臼 去毛

莽草 炙

芫花 醋拌炒焦

木香

藜蘆 去蘆頭

礬石 燒令汁盡

獺肝 炙

附子 炮裂去皮臍各半兩

蜈蚣 炙壹枚

斑蝥 去翅足米炒拾枚

右一十二味搗為末鍊蜜和搗五七百下丸如梧桐子大每服五丸空心粥飲下以利為度

治中五蠱下血喉咽妨悶犀角湯方

犀角 銹叁兩

藜蘆 肆兩

黃連 去須貳兩

升麻 叁兩

茜根 壹兩

當歸 切焙叁兩

殺羊皮 叁寸灸焦

右七味粗搗篩每服五錢匕水一盞半煎至七分去滓不計時候溫服

治五種蠱毒蛇蠱食飲中得之咽中如有物噉之不下吐之不出悶亂不得卧
心熱不能食麝香散方

麝香 研壹錢

右一味分二服以温水空腹調下吐出蠱毒為効

治五種蠱毒咽中如有物噉吐不出悶亂不卧馬兜鈴根湯方

馬兜鈴根 壹兩 藁荷根 兩半

右二味粗搗篩每服三錢匕水一盞煎至七分去滓不計時候頓服其蠱並

吐出

治五蠱及中惡氣心腹脹滿不得喘息心痛積聚及疝瘕宿食不消吐逆嘔噦

寒熱瘰癧奪命丸方

蜈蚣 壹枚 巴豆 去皮心膜研拾粒

附子 炮裂去皮臍壹枚

礬石 燒令汁盡半兩 藜蘆 去頭 雄黃 研

鬼臼 去毛壹分

右七味搗研為末再研令勻鍊蜜和搗三五百杵丸如麻子大每服以温酒

下二丸至三丸

治蝦蟇蠱及蝌蚪蠱得之心腹脹滿口乾不能食悶喘急氣發獨効飲方

車脂升半

右一味漸漸服之其蠱即出

治蟻螂蠱得之胸中忽哽噎怵怵如蟲行歎而有血咽喉臭氣出方

豬脂半合

右一味服之即下或吐之自消也

治草蠱術在西涼之西及嶺南人多行此毒入人咽喉痛方

馬兜零苗分

右一味搗羅為散以溫水調服一錢匕自消

治草蠱術在西涼之西及嶺南人多行此毒入人咽喉痛方

甘草炙 藍汁

右二味搗羅甘草為末每服一錢匕以藍汁調服

治草蠱毒入人咽喉刺痛欲死方

桔梗剉 犀角鈔各壹兩

右二味搗羅為散每於食前以煖酒調下三錢匕即愈

治蠱毒方

巴豆兩粒去皮

豆豉壹茶 竈額上煤貳錢

右三味同研極細以生甘草水作一服調下或吐血或瀉血內有如蛇形及
蚘蝶蜚蠊蜘蛛蠓蟻之類即効如有患者先令嚼大豆一合如口內覺豆腥
即不是蠱毒若覺甘美便是蠱也速服此藥

治蠱毒百病腹暴痛及飛尸惡氣犀角丸方

犀角屑 羚羊角屑 鬼臼末 桂末各肆錢 莽草炙

真珠研 大黃剉炒 雄黃研各壹兩 赤足蜈蚣炙五節

麝香研半兩 貝子煨伍枚 巴豆去心皮熬去油伍拾枚 射干如雞子黃許

右一十三味搗研為末鍊蜜和丸如菜豆大每服一丸至兩丸空心米飲下
若以囊盛之男左女右繫臂上祛邪氣佳

治蠱注四肢浮腫肌膚消瘦欬逆腹大如水狀漏泄人參丸方

人參 紫參 半夏湯洗去滑 藜蘆炒 代赭研

桔梗炒 白薇 肉蓯蓉酒浸切焙 石膏碎 牡蠣粉

丹參各參分 乾蝦蟇灰 狼毒炒 附子炮裂去皮 巴豆桑拾枚去皮

右一十五味搗研為末鍊蜜丸如梧桐子大每服一丸至三丸量虛實米飲

下

馬咬並踏傷人

論曰人誤被馬咬或踢踏傷損肌肉腫痛若不即治毒氣日深傳入藏府有致死者宜急治之

治被馬咬傷損皮肉疼痛方

馬鞭梢伍寸雄鼠屎炒貳拾枚白殭蠶炒半兩

右三味搗羅為末以猪脂二兩調傅咬處日三易良

治馬咬毒氣攻心方

藍汁參蓋

右一味以水二盞同煎三五沸每服一盞不計時温服兼用洗瘡

治馬咬腫痛方

馬齒莧不拘多少洗切

右一味煮和湯食之即差

治馬咬肉破疼痛方

雞冠血不拘多少

右一味滴入瘡中即差

治馬咬及踏作瘡腫痛方

馬鞭梢

貳寸

燒灰

鼠屎

貳茶

枚

右二味研細以豬膏和塗之大効

治馬咬及踏傷腸胃脫出方

右推內之以桑白皮細作線縫合破烏雞取肝細剉以封之且忍小便為妙

大德重校聖濟總錄卷第一百四十八

雜藥門

馬汗入瘡

論曰諸瘡未愈而為馬汗淹漬者令人身體壯熱疼痛焮腫毒氣淫溢則嘔逆悶亂傳入腹中亦能殺人

治馬汗入瘡腫痛方

馬鞭梢

燒灰

右一味為末以豬脂和塗瘡上

治馬汗入瘡疼痛方

雞毛

右一味燒灰每服一錢匕水調服

治馬汗入瘡毒氣攻腫痛方

馬鞭上手執處皮

燒灰

右一味研細和豬膏塗瘡上

治馬汗入瘡腫痛方

醇酒

右以酒飲任意令醉醒必愈

治馬汗入瘡方

新汲冷水

右以水不住洗瘡上水煖即易

治馬汗入瘡徧身毒氣攻方

菟菜

右一味水煮熟取汁淋洗瘡上

治馬汗入瘡方

石灰赤燒

右一味研細用少許傅瘡上

治馬骨所刺毒氣攻人方

大麻人升半

右一味研細以少水解去滓取汁每飲一盞頻頻服

治馬骨刺肉中疼痛方

馬齒莧

右一味研細以水少許解去滓每飲一盞更以此汁洗刺處

治馬骨刺肉方

雄黃

乾薑各半兩

右二味搗研為末調傅刺處

治忽為馬骨刺肉方

馬屎

右一味塗刺處

治馬骨刺肉中成瘡痛方

小蒜細搗

右一味炒乘煖塗瘡上

治馬血汗入瘡方

右嚼栗子肉爛塗之

治馬汗血入瘡神仙膏方

鉛丹參兩炒令熱色

清麻油陸兩

杏仁肆拾箇不去皮共椎破綿裹

當歸半兩切

當歸半兩切

當歸半兩切

桃柳枝各貳拾壹整
俱長壹寸

右六味先用慢火煎油約三時辰即入杏人當歸兩裹子候杏人黃紫色漉
出二味却入桃柳枝煎亦如杏人等時候漉出別用綿濾過再煎下鉛丹用
柳木篋攪一向左轉不住手至稠取膏少許滴水中若直墜下水底不散在
水面其膏成矣傾在瓷器中候冷却以新汲水浸一宿來晨去水收貯勿令
雞犬婦人見之每取少許攤貼瘡上

治馬血汗入瘡方

雄黃研 硫黃研 礬石研 硃砂研各一分 巴豆貳拾箇去
皮不出油

附子去皮臍生
用半兩

右六味同搗研為末用醋飯和丸如雞頭大將一丸分為兩處用醋貼若瘡
口合却須微撥破紅色處磨出黃赤水差

獬犬齧傷

論曰犬不觸而傷人者謂之獬犬凡春末夏初犬多發狂邂逅被齧者法宜灸
之百壯已後日灸一壯百日不闕者方得免若見瘡差痛定已平復者此毒在
內旦夕必死此害至重世皆輕之凡狂犬所齧令人狂躁精神皆別但看灸時

著艾之初便覺心醒其驗可待又云獬犬齧人七日輒應一發不發則脫也經
百日方得免耳每到七日須擣韭汁一升飲之切慎食犬肉蠶蛹食之即發不
可救也瘡未愈又禁食生魚肥膩冷食落葵之物一年內不可飲酒餘並依方
藥治之

治狂犬咬人重發者蟾蜍灰散方

蟾蜍參箇
燒灰

右一味搗羅為細散每服二錢匕溫水調下服時不得令人知

治獬犬齧人方

地榆貳兩

右一味搗羅為散每服二錢匕溫水調下更將未塗瘡上良

治犬齧人痛口噤悶者蝟皮散方

蝟皮燒存性
頭髮各壹兩

右二味共燒為灰每服一錢匕溫水調下口噤拗開灌之

治犬齧肉痛愈後復發並可服韭汁方

韭不拘多少

右一味搗取汁每服七分蓋和溫水飲之日三服

治獬犬咬人毒氣攻心悶亂方

桃白皮

兩叁

甘草

半兩炙

桂心

兩壹

杏人

叁拾枚湯浸去皮共雙
人麩炒微黃研成膏

右三味細剉以水三大盞煎取一盞去滓入杏人膏攪令勻分為一服再服

又方

蝦蟇

壹枚
燒灰

右一味細研為末以粥飲調服之即愈

又方

梅子

培乾

右一味細研為末每服二錢匕溫酒調下

又方

死蛇

壹條炙
令焦

右一味細研為末令以內孔中即愈

治獬犬咬重發方

乾薑

貳錢
末

右壹味搗為細末每服二錢匕以溫水調下不拘時服

治獬犬毒方

虎骨燒灰

右一味碾為細末每服一錢匕研杏仁湯調下又將虎骨灰和燈盞殘油調
傅瘡上

治獬犬毒方

韭根兩叁

故木梳枚貳

右二味都用水二升煮一升旋旋飲之

治獬犬傷毒入肉方

東南桃枝白皮

壹握洗剉

右一味用水二升煮取一升去滓分三服吐為效

治狂犬咬人成瘡方

葭若根剉壹兩

右一味搗羅為末和鹽少許塗瘡上日三易

治犬咬成瘡痛方

石灰

右一味細研為末以醋和塗瘡上

治犬咬方

右熬杏人令黑色細研成膏傅之

又方

鼠糞

右一味細研為末以臘月豬脂和傅之

又方

右取地龍爛搗封被咬處當有毛出或收得乾者搗末油調封之

又方

虎肉

壹兩
燒灰

右一味細研為末以醋調塗之

又方

枸杞葉

許少
鹽許少

右二味同搗令熟後傅於瘡上即愈

治狂犬咬人傷痛方

杏人肆拾枚去皮
共雙人拍碎

桃白皮切貳
升

右二味以水二升先煮桃皮取汁一升去滓下杏人再煮減半去渣温分三服得吐乃效

治狂犬咬人方

以熟牛屎塗又鎔蠟灌瘡皆差

治狂犬咬人方

以沸湯和灰擁瘡上又以地龍屎封之出犬毛皆驗

諸蟲齧

論曰諸蟲齧所傷其類不一然毒入皮膚非真氣正法不能移變故上古有移精變氣祝由之法今雖具存而逐惡祛毒之劑亦不可廢也

治百蟲齧毒氣內攻雄黃丸方

雄黃研

朱砂研各半兩

藜蘆去苗微炒

巴豆去皮

鬼臼去油

各壹分去煩參味

右五味搗研為末鍊蜜和丸如大豆大每服三丸空腹煎乾薑湯下當轉出惡并蟲等當煩悶後以鴨為羹食之

治沙蟲方

麝香

許少

辰砂

許少

右二味細研為末以鹽和塗之差

又方

麝香

大蒜

各等分

右二味搗研令勻以羊脂和著筒中帶之

治沙蟲方

右取鹽五合水一升煮一沸以漬洗瘡上

治百蟲齧沙蟲蛇蠍蠱毒辰砂丸方

辰砂

雄黃

研水飛

赤足蜈蚣

續隨子

各壹兩

麝香

分

右五味搗研為末粟米糊為丸如菜豆大每服一丸冷水下良久身上毛旋起處即是毒所傷却用水調一丸於毛旋起處繞圍四畔其虱自爆出

治一切蟲齧地膽散方

地胆

地錦

等分

右二味暴乾搗羅為散每用一錢匕蓋內用醋調却用蓋一隻合定慢火熬

熱塗齧處如已齧得三兩日即先以牡蠣末一錢新汲水調下然後塗此藥
治百蟲齧毒攻瘡痛塗方

犀角

壹片

右一味以井華水磨取濃汁塗瘡上

治五毒蟲螫赤痛不止馬齒莧傳方

馬齒莧菜

洗切

右一味爛研厚傳之

治雜蟲齧雄黃傳方

雄黃

細研半兩

右一味醋少許調傳之

治一切蟲齧痛膩粉傳方

膩粉

壹分

右一味用生薑自然汁調傳之

治鼠齧麝香傳方

麝香

細研壹錢

右一味封齧處帛縛之

治守宮齧青麻心方

青麻葉心茶枝

右一味以手按碎取汁塗之

治守宮齧硃砂散方

雄黃兩半 硃砂壹分

右二味細碾勻為散以少許傅之

治蠶齧菟絲子散方

菟絲子 甜亭蔴 蛇牀子人 鹽各半兩

麝香壹錢

右五味搗羅為散以醋調塗之

治毒蟻螫人雄黃散方

雄黃壹錢 麝香半錢同研細

右二味研勻以生麻油調傅之

治耗蟲齧豬牙垢塗方

豬牙中垢

右一味全留處頻易

辟蚊子樗皮散方

臭樗皮切細 阿魏

芫花

夜明沙炒

羅木銹

右五味粗搗篩以慢火於房內燻之

諸蛇螫

論曰蛇火蟲也熱氣炎極為毒至甚五方所出名稱不同惟廣南尤多彼山崇地濕水火蒸鬱所生最盛蘄黃之地蛇類稍衆南中有一山居水中當四五月之交群蛇吐毒氣高凡數丈蒸若雲霧每至中夏瘴氣盛行亦緣此也凡蛇類不可憇狀其毒極微不能殺人者惟花蛇烏蛇故入藥品凡見蛇不言正名但云蟲及地索之類以避之或入山及履深草帶雄黃麝香辟之蛇入人家者燒殺羊角令煙遍覆即去矣

治諸毒蛇咬毒氣攻心迷悶雄黃散方

雄黃研

麝香研

乾薑炮為末

巴豆壹分去皮膜

心出盡油研

右四味一處和勻每服一字匕以新汲水調下纔中便服得微利則毒氣消未利更一二服

治諸毒蛇所傷解毒白礬散方

白礬

熟汁 枯研

殺羊角

燒灰研 各半兩

射罔

壹分

雄黃

研

麝香

研

乾薑

各壹兩 炮

右六味搗研為細散用傅瘡上凡蛇畏雄黃疑有蛇處於舍下微火燒雄黃蛇並散走

治諸蛇咬毒氣攻心桂香散方

桂皮

去粗皮

栝樓根

各貳兩

右二味搗羅為細末以小竹筒盛密塞帶行卒為毒蛇所中即傅之

治一切毒蛇咬迷悶椒黃傅方

閉口椒

壹兩 為末

蒼耳苗

伍兩 為末

生薑汁

合貳

硫黃

半兩 為末

右四味相和傅之

治諸蛇咬毒氣攻心迷悶二蟲膏方

地龍

伍枚

蜈蚣

壹枚 赤足者 干日

右二味相和爛搗傅之

治諸蛇咬痛腫椒蒜傅方

椒哈

蒜各等分

右二味同搗令熟傅之差

又方

硃砂壹兩

右一味細研為末以茵內生萹蔥就上取却蔥角共傾入硃砂末却以角共覆一七日掘出葱傾硃砂汁於一張紫薄紙上陰乾每有傷處取錢孔大紙貼之立愈

又方

黑豆葉伍兩

右一味細剉搗傅瘡上日四五度用之

又方

遠志不以多少

右一味細嚼令爛以傅之并內一片子於所螫瘡孔中數易之

治蛇咬人瘡已合而餘毒在內淫淫痛痒方

紫莧不拘多少

右一味搗絞取汁飲一盞以滓封瘡上

治蛇咬出血去毒射罔散方

射罔

不拘多少

右一味搗末以唾調傅腫上血出即愈

治蛇咬傅瘡雄黃散方

雄黃

不拘多少

右一味為末傅瘡上亦用銅青傅瘡中

治蛇卒繞人不解方

右以熱湯淋之即解

治因睡卧地上被蛇誤入口內牽挽不出方

以刀破蛇尾内生椒三二粒裹著須臾即出又割母豬尾瀝血著口中即出

又以艾炙蛇尾即出又以刀周匝割蛇尾截令皮斷却將皮倒脫即出

治毒蛇咬毒氣攻心腹悶亂方

豉

肆兩

椒

目去

薰陸香

各卷兩

白礬

燒灰兩

右四味相和爛搗以唾調傅傷處

治毒蛇并射工沙虱等傷眼黑口噤手脚强直毒攻腹内逡巡不救白礬散方

白礬

生用 壹兩

甘草

生用 半兩

右二味搗為細末每服三錢匕冷水調灌下便以大蒜橫切錢子貼瘡口以艾柱於蒜錢上灸之不拘壯數如蒜錢焦即別換更灸痛定即止

治蛇螫人竅出血蝨蟲散方

蝨蟲

初食牛血者貳柒枚

右一味燒為灰以溫水調服

治蛇咬蒜灸方

獨頭蒜

壹顆

右一味薄切安咬處以艾灸之熱徹即止

又方

麝香

壹分 細研

雄黃

壹分 細研

半夏末

壹分 生用

右三味細研令勻傅之即愈

又方

白礬

貳兩 研

大麻葉

伍兩 剉

蒼耳莖葉

伍兩 剉

右二味以水一斗煮至六升去滓下白礬末温酒浸之

又方

猫兒糞

叁兩 燒灰 乾薑 貳兩 剉

牛角腮

貳兩 燒灰 梟黃 壹兩

右四味搗羅為散以津唾調傅於螫處

又方

黑豆

伍升 礮碎

右一味分為二分於盆中以水浸過三寸深令浸螫處良久去舊豆著新豆復浸不過三兩易兼以豆為末以調服之亦妙

治毒蛇所傷方

右用艾柱當齧處灸之引去毒氣即差其餘惡蟲所螫馬汗入瘡等用之

亦效

蠍螫

論曰凡蠍螫人有雌雄之辨雄者痛止一處雌者流散無定世傳禁祝之法雖眾然湯熨塗傅之劑亦不可廢也

治蠍螫吹鼻散方

藜蘆

去蘆頭

豬牙皂莢

酥炙 去皮

丁香

蜀葵花藥

華撥

各半兩

右五味搗羅為末每用一字螫左邊吹右鼻螫右邊吹左鼻中

治蠍螫熨痛丸方

雄黃研 礬石熱令汁枯各半兩

右二味再同研消蠟和乘熱丸如彈子大以蠟紙收藏遇螫將藥火上炙令熱乘熱熨痛處冷又炙數次

治蠍螫疼痛烏頭塗傳方

烏頭土去皮臍

右一味為細末每用少許以津唾調塗傳

治蠍螫馬齒莧塗傳方

馬齒莧生切氣味各半兩共細研

乾薑壹分不炮為末

右三味一處和勻塗傳螫處

治蠍螫止痛出毒散方

石榴花 艾葉心 蜀葵花等分

右三味搗羅為末水和調塗之

治蠍螫疼痛不定鉛丹塗傳方

鉛丹兩半

右一味細研以醋調塗螫處

治蠍螫卒疼藥末及者水洗方

新汲冷水

右一味若著手足以冷水漬之水微暖則易之

又方

華撥

膩粉

麩人

木鼈子

各等分

右四味取五月五日午時面南搗羅為細末修合之時不可令婦人孝子見

螫著右邊以少許點左眼螫著左邊點右眼

又方

蒼耳

四月八午時取之陰乾

右一味搗羅為細末每用以醋調傅之

又方

虎頭骨

炙

板藍子

華撥

各壹分

右三味於五月五日午時搗羅為細末用燈心點藥少許於眼大背男左女

右點之神效

用藥少許以燈心點男左女右眼大背內立効如卒暴用不必重午日合

大德重校聖濟總錄卷第一百四十九

雜藥門

蜂螫

論曰蜂有大小故其螫人毒有輕重輕者或疼痛移時或經日而愈重者有至悶絕偏身皆腫當亟用吮禁之術以取速効仍以消毒等藥塗傳之

治蜂螫毒不出痛不定蜜脂煎方

白蜜

臘月豬脂

各兩 匙許 雄黃 參 錢 研

右三味先將蜜并脂煎沸傾在瓷盆中入雄黃攪轉通口旋旋飲之

治蜂螫疼痛蜂房膏方

蜂房剉

蒼耳各半 兩

右二味搗羅為末用藍青汁調厚塗螫處

治蜂螫桑白皮塗方

桑根白皮

生者

右一味搗取汁傳螫處

治蜂螫楮皮塗方

楮皮生者

右一味取汁塗傳螫處

治蜂螫定痛香津膏方

齒垢

右取少許傳痛處

治蜂螫角灰散方

牛角燒灰 貳兩

右一味為散苦酒調敷痛處

治蜂螫青蒿塗方

青蒿生者壹兩 細切

右一味搗研厚塗螫處

治蜂螫消毒唾方

瓦一小片

右將就蜂螫處摩之唾二七徧訖其瓦却安舊處

治蜂螫牛灰散方

牛屎

燒灰

右為散醋調傅之

治蜂螫地面膏方

地面上泥

右以醋調傅之

蜘蛛蜈蚣傷

論曰凡蜘蛛蜈蚣所傷輕者焮腫疼痛甚則潰而成瘡自非外以藥塗傅內以藥疏導未易得愈

治蜘蛛咬藍脉飲方

藍葉

洗切

右一味絞取汁每服半盞麝香一字和服之

治蜘蛛咬雄麝散方

雄黃

壹分

麝香

壹錢貳味同研細

右二味每用藍汁調少許塗咬處更飲少藍汁良

治蜘蛛咬生瘡諸治不差棗柏膏方

棗葉

栢葉

晚蚕沙

右三味等分擣羅為末以生油和如泥先炙咬處後用藥塗之良

治蜘蛛咬痛四神膏方

皂莢

蕪荑

雄黃

青鹽

右四味等分為末和勻蜜調塗咬處頻易甚効

治蜘蛛咬令人偏身生絲羊乳飲方

右羊乳一味飲之愈貞元十二年劉禹錫偶至奚吏部宅中有客刑部崔從質因話此方云目擊有人為蜘蛛所咬腹脹大如有娠偏體生絲其家棄之乞食於道後遇僧教飲羊乳未幾而平復矣此方極妙

治蜘蛛咬偏身成瘡立効方

右以上好春酒任意飲之取醉使人翻轉身勿令一面卧恐酒毒腐人腸胃須蜘蛛兒於瘡中小如粟米自出盡即差

又方

雄黃

麝香

藍汁

右二味細研令勻投於藍汁中以塗咬處立差若是毒蜘蛛咬即更細細服

其蓋汁神異之効

治蜈蚣咬人方

膩粉

牛兩

麝香

少許

右二味相和研勻生薑汁調塗咬處

治蜈蚣咬雞冠血塗方

右以雄雞冠血塗之立止

治蜈蚣咬痛附子膏方

附子

壹枚生去皮臍

右一味就沙盆內以醋少許磨濃用少許塗咬處

治蜈蚣咬痛雄黃膏方

雄黃

研細壹分

右一味用桑根白皮自然汁調傅咬處

治蜈蚣咬蒜汁塗方

蒜

洗切細研

右以桑根白皮汁和塗咬處

蠼螋尿瘡

論曰世傳蠼螋尿人影能使人生瘡其狀如粟粒累累一聚疼痛如芒刺大者
癰癩如茱萸子四圍赤中有白汁令人皮肉急惡寒壯熱治法或以磨犀塗之
或畫蠼螋於地取所畫腹中土作泥塗之或治如火丹法蓋藥劑穰穰世所兼
用不可偏廢也

治蠼螋尿瘡鹿角膏方

鹿角

燒灰
叁兩

右一味碾細以苦酒調塗之如瘡有汁者燒弊蒲席為末傅之

治蠼螋尿瘡槐皮漿方

槐白皮

半斤切以苦酒
貳升浸半日

右一味將酒洗瘡上日數次更將赤小豆為末以此酒調塗之

治蠼螋尿瘡汁出疼痛茱萸膏方

茱萸東行根

洗

右一味搗為末醋調敷之

治蠼螋尿瘡汁出疼痛羊須膏方

殺羊癩不拘多少燒灰

右一味研細以臘月豬脂和封之

治蠹蝮尿初著疼痛茶末傳方

好茶末

右一味用麻油調傳頻易之

治蠹蝮尿瘡香豉膏方

豉兩半

右一味為末醋調傳之瘡上

治蠹蝮尿瘡棟枝灰方

棟枝燒灰

右一味為末如瘡濕即乾傳瘡乾醋調傳之

治蠹蝮尿瘡痛汁出小豆末傳之

小豆

右一味為末傳瘡上頻易

治蠹蝮尿瘡久不愈皂莢脂方

豬牙皂莢

右一味炙令脂出乘熱以脂塗之

治蠹蝮尿瘡大麥傅方

大麥壹合

右一味細嚼塗瘡上

治蠹蝮尿瘡馬鞭草傅方

馬鞭草壹兩

右一味搗末傅瘡上

治蠹蝮尿瘡甘草傅方

甘草壹兩

右一味為末韭汁調傅之

治蠹蝮尿瘡犀角塗方

犀角細屑

右一味搗末水調塗之

治蠹蝮尿瘡方

右宜畫地作蠼螋形以刀取畫蠼螋腹中土就所取處以唾和成泥塗瘡上即愈

中水毒

論曰夫中水毒其中有三中水中溪中灑

東人呼作蘇駭切

其狀惡寒頭痛目疼心煩

懊悶四肢振煖腰背骨節皆強或熿熿發熱神昏喜睡朝輕暮劇手足指冷二三日則生蟲下部生瘡不痒不痛人罕自覺苦不即治則便膿蟲毒上食五臟熱盛煩毒注下不禁八九日死若手足指冷至一寸為微至肘膝為劇然治水毒有陰有陽其瘡正赤如截肉者陽毒也其脉緩大而數其瘡如鯉魚齒者陰毒也其脉沉細而遲陽毒雖急而易治法宜發汗陰毒雖緩而難治尤不可忽凡水毒惟山高及山峽溪源繚繞處多有之何者山高水冷日中始得陽氣故陰氣常積而水有毒亦猶廣南山高地下氣不疏通故鬱而為瘴水毒為多陰瘴氣為多陽多陽則熱結于中多陰則指節逆冷二者為病大體與傷寒相類欲辨水毒即以熱湯數斛蒜四升搗碎內湯去滓洗浴若身體發赤斑者是水毒也此證劇則為洞利及齒間出血心腹煩滿下血如爛肝不食而狂皆熱毒變化而成也土人辟却之法略與射工相似

治中水毒手足指至肘下冷茱萸湯方

吳茱萸

湯洗焙乾伍兩

烏梅半兩

犀角屑

升麻

陳橘皮湯浸去白焙各貳兩

右五味麤搗篩每服五錢匕生薑二棗大拍破水一盞半煎至八分去滓空

腹溫服日三夜一

治中水毒手足指冷至肘水萍散方

水萍

不拘多少

右一味暴乾搗羅為散每服二錢匕米飲調下早晨日午近晚各一服

治中水毒手足指俱冷烏梅湯方

烏梅

卷兩去核熬

右一味搗碎每服三錢匕水一盞煎至七分去滓不拘時頻服

治中水毒寒熱升麻湯方

升麻

兩

龍膽

姜

麴

大青

各壹兩

右四味粗搗篩每服五錢匕水一盞半煎至八分去滓溫服未差頻服

治中水毒寒熱水蓼酒方

水蓼

不拘多少

右一味搗取汁每服一合酒半盞調勻服日三

治中水毒桃葉飲方

新桃葉 不拘多少

右一味旋擣取汁每服一盞飲之不拘時候

治中水毒蒼耳汁方

蒼耳 不拘多少

右一味搗取汁以綿沾汁導下部日三

治中水毒桃梅飲方

新桃葉 各半斤 新梅葉 各半斤

右二味洗搗取汁每服半盞飲之不拘時

治中水毒溪毒寒熱如傷寒狀五加皮散方

五加皮 參兩洗切

右一味搗羅為散每服一錢匕酒一盞調下日二夜一粥飲調亦得

治中水毒溪毒如傷寒狀葱白湯方

葱白 壹握切

豉 半升

葛根 貳兩

升麻 叁分

右四味剉如麻豆大每服四錢匕水二盞煎至一盞去滓溫服移時又服
治中水毒溪毒下部蟲蝕生瘡牡丹散方

牡丹皮貳兩

右一味搗羅為散每服二錢匕酒一盞調下日三

治中水毒溪毒下部蟲蝕生瘡葛藤洗方

葛藤不拘多少

右一味以水煮取濃汁洗下部并導灌入下部良

治中水毒寒熱藍根塗方

藍根并葉不拘多少

右一味洗淨搗爛塗頭面及身上頻用為佳

射工中人瘡

論曰射工中人初未成瘡但惡風寒熱皮膚如鍼芒所刺漸漸成瘡始如豆粒
痛如火燒證如傷寒或如中惡有不能言者身體苦強四肢拘急頭痛骨痛口
張多欠朝減暮甚三日齒牙出血須急治之過七日則危殆遠不過七日死射
工一名蜮一名短狐其色黑狀如大蜚且有雌雄自春至秋常在澗水冬月則

入土伏藏曰吐温氣霜雪在上不冰方其在水人因行水及浴則毒中之兩潦水漲隨水流入人家或道上人遇之則含沙射人影所以名射工者謂如蠿蠅能射人影工巧必中故也又世傳射工口內有橫骨狀如弓弩以毒射人自此發也

治射工中人惡核寒熱葛芋膏方

野葛壹升

茵芋

羊躑躅

附子

去皮臍生用

丹砂

研各壹兩

巴豆去心膜

烏頭去皮臍生剉

蜀椒去目各五合

雄黃

研

大黃

各貳兩

右一十味除研外搗為末以不著水豬膏三斤先入藥八味煎三上三下去滓內丹砂雄黃末攪至凝取棗核大摩痛上勿近眼合此膏勿令婦人雞犬見

治射工毒腫生瘡犀角散方

犀角鈔

甲香

射干

木香

乳香

研

丁香

黃連

升麻

鼈甲

醋炙去裙襴

牡蠣

煨

羚羊角鈔

甘草炙剉

黃芩

去黑心各壹兩

黃蘗

去粗皮

吳茱萸

湯浸焙炒各半兩

右一十五味除乳香研外搗羅為散和勻每服二錢匕水調下日三兼以雞

子白調塗瘡毒良

治射工中人寒熱鬼白漿方

鬼白葉壹把

右一味細剉以苦酒漬之搗絞取汁一升頓服日三

治射工中人生瘡黑如靨子或偏赤如刺痛日晡寒熱或如火灼不治殺人射干飲方

射干各貳兩升麻各貳兩

右二味細剉以水五盞煎至三盞去滓適寒温一日盡服之其滓傳瘡上

治射工中人狼牙漿方

狼牙葉冬用根

右一味搗絞取汁半升頓服以滓傳所中處

治射工中人生瘡升麻湯方

升麻壹兩犀角貳兩射干壹兩半

右三味粗擣篩每服三錢匕水一盞煎至七分去滓温服不拘時

治射工中人白雞屎塗方

白雞屎

白者貳
茶塊

右一味以湯和研塗所中處

治射工傷人茱萸湯方

生茱萸莖葉

壹握

右一味細剉熟搗以水二盞煎至一盞去滓頓服

治射工毒犀角塗方

犀角

不拘
多少

右一味以水磨塗所中處又取為細末與麝香同研水調一錢匕服之

治射工傷人傅瘡皂莢膏方

皂莢

壹挺長壹
尺貳寸者

右一味椎碎以醋一升煎如飴去滓傅瘡上

又方

馬齒莧

不拘
多少

右一味爛搗取汁飲一盞又爛搗傅毒上日四五易

治射工中人寒熱瘡痛赤莧飲方

赤莧不拘多少
莖葉都用

右一味搗爛絞取汁飲三合日四五服良

治射工中人瘡痛芥子塗方

芥子伍合

右一味搗熟醋和厚塗於瘡上半日痛止

治射工中人去毒方

胡葱不拘多少

右一味細切爛搗以搗瘡上炙十壯即差一方云葫蒜

治射工中人生瘡方

蜈蚣壹條

右一味燒灰擣羅為末醋和傅瘡上

溺水死

論曰凡人沉溺水中水入腹則令氣閉暴絕而死救治之法宜泄其水使氣得通則可復活若救之後時水不得出心下不温者難治古法或經半日及一日猶有可療者謂其氣雖絕心下猶温則亦可救也

治溺死已經半日方

右取大甕覆地以溺死人腹伏甕上以微火於甕下燃之正對死人心下須臾死人心下甕暖口中水出盡則甕勿令過熱

治溺死導水方

右取皂莢水末如胡桃大綿裹內下部中伏面向下須臾水從鼻口中出仍多取灰覆藉水盡即活

治溺死導水方

右如經宿取皂莢擣羅為末以棗瓢為丸如彈子大內下部中水即出

治溺死松油灌方

右取松子油一盞灌入口中即活

治溺死葱汁導水方

右取不艸皂莢搗羅為細末以葱白研絞取汁和丸如棗核大內下部中効

治溺死經宿灸之得活方

右解死人衣灸臍中

治溺死酒灌得活方

右倒垂死人以好酒灌鼻中又灌下部或以醋灌鼻中亦得

治溺死瀝水得活方

右倒背死人兩足負之而走得吐水即活

治溺死鹽道得活方

右以灶中灰布地令厚五寸以甑側著灰上令死人伏於甑上使頭小垂下抄鹽二方寸匕內管中吹入口中即當吐出水乃去甑下死人著灰中以壅身勿令遮鼻口即活

治溺死灰滲得活方

右掘地作坑傾數斛灰煖內坑中下死人覆灰上濕徹即易之灰勿大燉恐燂人灰冷更易半日即活

治忽溺水死方

右倒卧瀝却水便於肚上多著灰掩之了仍以皂莢末吹鼻中即活

治溺死取水方

右取死人面向甕垂其頭使口水出良

治溺死吹耳得活方

右解溺人衣去臍中垢極吹兩耳良

治溺死沙滲得活方

右炒沙覆死人上下但出鼻耳沙濕即易之

治溺死石灰壅之得活方

右取石灰壅之候下部中水出盡即活

治冬月落水凍四肢直口噤尚有氣者方

右炒灰使煖盛以囊薄其心上冷即易心暖氣通得轉口乃開溫小便及粥清稍稍灌之即活若不先溫其心或便持火炙身冷氣與火氣爭則死

治溺死葦火熏之得活方

右取大甑以死人伏其上口臨甑口燃葦火二七把燒甑中當死人心下令煙出微入死人鼻口中候水出盡則活火盡復益之令死人心足得暖卒無甑者於岸側削地如甑空下如竈燒令暖以人著上勿令隱人腹令死人頭水得出為妙兼以灰數斛令煖覆之冷即易

治溺死灰埋得活方

右但埋死人暖灰中頭足俱沒唯開七孔

自縊欲死

論曰仲景云凡自縊死心下微溫者一日猶可活葛氏云心下尚微溫雖久猶可活二家所論必須有暖氣陰陽未盡根本尚存則可以救苟非此雖死未久必不活也大抵自縊以升降出入之氣暴絕不通若解其繩有法者固有復生之理解失其理體雖尚溫不能無害所謂救經引其足也仲景葛氏各有辨症并解繩法宜詳審之

辨自縊死解繩法

凡自縊若覺纔死徐徐捧下其陰陽經絡雖暴壅閉而藏府真氣尚或未盡所以猶可救療若見其垂掛忽遽截斷其繩則不可救此言氣已壅閉繩忽暴斷其氣雖通而奔迸氣不能還即不復得生又云自縊死旦至暮雖已冷必可活暮至旦則難療謂其晝則陽盛其氣易通也夜則陰盛其氣難通也又云夏則夜短又熱則易活又云氣雖已斷而心微溫一日以上猶可活也蓋夏時夜短於晝又熱猶應可療心下微溫者一日以上猶可活然皆徐徐抱解不得截繩上下安被卧之一人以脚踏其兩肩手小挽其髮常弦勿縱之一人以手按據胸上微重之一人摩捋臂脛屈伸之若已僵但漸漸強屈之并按其腹如此

一炊頃氣從口出呼吸眼開而猶引按莫置亦勿苦勞之須與少桂心湯及粥清含與之纔今濡喉漸漸能嚙乃稍止耳兼令兩人各以管吹其兩耳彌好此最善無不活者

辨自縊死心下尚微溫雖久猶可活法

徐徐抱解其繩不得斷之懸其髮令足去地五寸許塞兩鼻孔以蘆管內其口中至咽令人噓之有頃其腹中礮礮轉者是氣通也其舉手撈人當益堅捉持更遞噓之若活了能語乃可置耳若不得挂髮可中分髮遶兩手牽弦耳

治自縊死心頭微溫者吹鼻救之方

右用皂莢末葱葉吹兩鼻孔中逆出復內之

治自縊急救之方

右急手掩其口鼻勿令內氣稍出二時許氣至即活

治自縊急救方

右牽起其頭髮以物塞兩耳仍以葱葉刺鼻中兩人極力痛吹之嚙其兩脚跟即活亦可塞鼻而吹其口亦活也

治自縊死方

右以藍青汁灌之又極須安定身心徐徐緩解慎勿割繩抱取心下猶溫者刺雞冠血滴口中即活男用雌雞女用雄雞

治自縊死方

右提其頭髮令足纜至地一時許即活

治自縊松子油方

右以松子油內口中令得入咽中便活

治自縊死酒灌之方

右以雞屎白棗許大酒半盞和灌之口鼻中即活

治自縊死救急方

右以梁上塵如豆大各內一筒中四人各一筒同時吹兩耳鼻中極力吹之即活

治自縊死救之未活以車載之法

右以絹急絞身體令堅以車牛載行三十里許使人於車上行踏肩引髮如前

治自縊心微溫者急救之方

右以罽衣若毳毳厚氈物覆其口鼻抑之令兩人極力吹其兩耳一炊頃可

活也

終